

Aen Goj Daxmeh Caeuq Daeglwg

□ Cwz Fanghdingz soucomz cingileix

Ngoenz ndeu, miz duz dangh hung ndeu daeuj, naeng de na raixcaix, feiz geijlai haenq hix coemh mbouj dai de. Daeglwg cam daxmeh: “Meh, raeuz wnggai baenzlawz guh?” Daxmeh naeuz: “Gaej lau, duzdangh lau raemx, yungh raemx rwed, de couh ndang unq doengh mbouj ndaej lo.” Duzdangh hung gangj daeuj couh daeuj, nyonnyan hujdengdeng, boq naeuz aeu caenh vunz ok gizneix bae. Daeglwg gaem hwnj doengindoek hung cang raemx rim, mbouj dingz aeu raemx buet coh duzdangh. Duzdangh hung baez bungz raemx couh nyaenx mbouj ndaej ndang unq, rieng hix daengj mbouj hwnj lo. Gij raemx daeglwg buet haenx yied daeuj yied lai, duzdangh hung dingj mbouj ndaej couh youq gwnz namh rouxringx, daej hemq nyiuz mingh.

Song mehlwg caenh deuz duz-dangh, couh simnet youq ndaw bya dajndaem, mbaet makcwx, rangz, raet, ndwenngoenz gvaq ndaej vanyet. Hoeng mbouj geijlai nanz, youh miz duzmui hung daeuj lo. Duzmui rox lumj vunz nei song ga daengj ndwn, youh sang youh hung, rengz hung dangqmaz, gaex ndaej bya beuj ndaej rin, lij loek ndaej goengfaex dem. De naeuz yaek caeuq vunz beij goengfou beij dungxcaiz, danghnaeuz vunz saw le, couh aeu lizhai gizneix, bae daengz giz doenghbaez nitgyaengj mbouj miz raemx, mbouj miz feiz, mbouj miz daengngoenz dauq. Daxmeh hawj

daeglwg song fwngz oet haeuj song aen ndungq bae, youh heuh de bae doiq duzmui naeuz: “Mwngz gag naeuz rengz lai rengz daih, seizneix hawj mwngz ca dawz song fwngz gou, song fwngz gou danghnaeuz baetduet mbouj ndaej couh suenq mwngz hingz.” Duzmui dingq le, ndaw sim gag angq, song faj fwngz de gaem gvaq nyauj duzguk, naenx gvaq hoz duzbeu, hoeng gyoengqde mbouj miz saek duz baetduet ndaej, de nyinhnaeuz vunz haengjdingh saw hawj de, couh hwnjbae yungh rengz ca song fwngz bouxvunz, ndaenggon dwk laep da haeuj. Daeglwg song fwngz daj ndaw ndungq yot okdaeuj, cienq ndang couh deuz. Duzmui riu doh le, byaengq da baez yawj, bonjfaenh dan ca dawz song aen ndungq, vunz mbouj raen ngaueuz lo. De hozgaek, gveng ndungq bae youh ra hwnj dou daeuj, naeuz baezneix mbouj suenq, beij baez dem dingh sawhingz. Daxmeh youh hawj daeglwg bae ndaw rij gaemh daeuj bat byanouq ndeu, heuh duzmui daeuj doxdax, yawj byawz gaemh ndaej lai. Duzmui gaemh bya ak lai lo, de dwg lauxsouj gaemh bya, laihaeuz baezneix vunz saw dingh lo, couh iet fwngz roengz ndaw bat bae gaemh byanouq. Hoeng byanouq raeuzredred, cungj daj geh fwngz de lae deuz, de gaemh baenz byongh ngoenz, cungj gaemh mbouj ndaej saek duz. Hoeng daeglwg song fwngz baez hab, couh ndaej riengjret daj ndaw bat lauz ok

byanouq. Duzmui raen youh saw lo, hozgaek dangqmaz, doxdax byongh ngoenz, dungx iek dwk heuhgugu, baezneix de naeuz daxmeh caeuq daeglwg, aeu caeuq gyoengqde doxdax gwn doxgaiq, de naeuz de gwn ndaej liux sojmiz gij doxgaiq ndaw ranz vunz. Hoeng daxmeh naeuz, de ndwnj ndaej roengz aen sawz cawj cug ndeu couh suenq de hingz. De doengzeiq lo, heuh gyoengqde vaiqdi cawj sawz daeuj. Daxmeh caeuq daeglwg diemj hwnj dong feiz ndeu, aeu goenj rin youh geng youh raeuz ndeu haeujbae, caj rin coemh nding le, aeu okdaeuj

heuh duzmui vaiqdi aj bak. Duzmui baez raen gij doxgaiq ndingnyan-nyan, senq couh myaiz rihdangdang lo, cig haenh naeuz sawz ndei, couh bak aj hunghung, heuh gyoengqde vaiqdi oet haeujbae. Duzmui ndwnj roengz goenj rin coemh nding, yaepyet couh laemx roengz gwnz namh rouxringx, mbouj geijlai nanz couh dai lo. Duzmui dai le, couh mbouj miz gijmaz nyaen yak daeuj hangz vunz lo, daxmeh caeuq daeglwg youq gizneix an’ onj youq roengzdaeuj, itcig youq daengz seizneix.

(2 sat)



Ndithaemh venj youq gwnz Sihmingz Dagiuz nyumx
hoengz aen mbwn caeuq diuz dah. Ciengj Hauz ingj

Ranz Vangz Gencingh youq henz mbanj, diegyouq gvangq, ranz seiq henz ndaem miz haujlai faexmak, dwg daxboh de geij cib bi gaxgonq ndaem roengzbae. Laj goekfaex baij miz haujlai diuz rin, dwg Vangz Gencingh youq ndaw mbanj soucomz aeu moegei doz dauq. Gyoengqvunz lid ranznamh gaeuq hwnqguh ranz-bingz, gij giemxdou ciuhgeq dwg rin guh baenz, dingqnaeuz dwg vunz-ciuhgonq genj gij rin hung youh hau youh heu haenx daeuj guh, cungj rin neix beij rin gizyawz geng, yungh faguiz baez cuiz baez cuiz baenz diuz rin gvangq cibcaet goengfaen, sang ngeihcib goengfaen, yienz-haeuh aeu daeuj guh giemxdou, cien bi mbouj vaih, danghnaeuz aeu faex

Lauxdoengz

□ Moz Lihetuz / 磨礼勤

guh giemxdou, nduk vaih lai, haet haemh caij heih hed, yienghneix, gyoengqvunz hwnq ranz ciuh dem ciuh, mboujlwnh ranzhaz roxnaeuz cuk ciengznamh, cungj aeu diuz rin guh giemxdou, ranz gaeuq dekdoemq youh hwnq, ringiemxdou lienzdaemh sawjyung, ranz neix senj deuz, ranz haenx beuj daeuj, lid ranz vaih hwnq ranz moq, gijmaz cungjdwg moq dandan ringiemxdou dwg gaeuq. Gaeuq dwg gaeuq, de couh lumj miz sengmingh nei, naihsouh cien bi fanh bi. Bouxhek daeuj yawj da ndeu yamq haeuj ranz, couh roxnyinh ranz vunz neix dwg vunzndei.

Vangz Gencingh ceiq gyaez

ringiemxdou.

Vunzmbanj raen Vangz Gencingh aeu ringiemxdou, couh lwnh de nyi laeng byawz lid ranz gaeuq le, gij ringiemxdou vit youq gizlawz, miz mbangj gaen deng namh moek lo, de couh dawz faggvak caeuq fagcanj bae vat namh deuz bae, yungh faex geuh hwnj gwnz loh daeuj, aeu moegci cug diuz cug diuz doz dauq, cingjingj caezcaez baij youq laj goekfaex, fwn doek dongj deuz namh uq, ringiemxdou moqsagsag, miz mbangj ginggvaq geij bak bi caij, naengh, lumh, seizneix bienq ndaej youh wenj youh rongh, gij saek de heu youh lamz, baenz diuz lumj meg vunz. Ringiemxdou miz sengmingh, geijlai aen ciuzdaih, de haet haemh caeuq gyoengqvunz youq, dwg bauj vunz-

biengz, nanzgvaiq gig ndei yawj.

Song boux vunzmbwk naengh youq gwnz ringiemxdou, ndangdaej ndat caeuq rin gyoet doxgyaux, lumj ciuhneix caeuq ciuhgeq doiqvah. Gij goj beixnuengx gangj mbouj caenh, beixnuengx ndei engq gangj mbouj caenh gij goj cien fanh coenz, seizneix songde gangj ndaej diemz-subsub, diemz lumj maksandauz. Gyoengq lwnyez benz hwnj gofaex bae mbaet maksandauz roengzdaeuj gwn, dah lwg hung Vangz Gencingh mingzcoh heuhguh Vangz Meijyen, de lumj duz maxlaeuz ndeu youq gwnz faex benz bae benz dauq mbaet ndaej cibgeij gaen mak roengzdaeuj, de doiq vunzbaz Lij Danenz naeuz: “Mehdoengz, hawj mwngz dawz daeh mak neix ma ranz gwn bw, sou ciengz daeuj, bimoq daeuj vaiqdi, gou mbaet lwnghanx hawj sou, lwnghanx gam diemz, daengz seiz gou mbaet lai di hawj sou dawz baema.” Vunzbaz Lij Danenz riunyumnyum naeuz: “Docih dahniq lo.”

(4)

